

O le amioleaga ma le mana o le Faaola

TUSI LESONA SEMINARE O LE FEAGAIGA FOU

Mafaufau i ni faataitaiga o le amioleaga i le lalolagi ma pe faapefea ona aafia ai i tatou.

- Afai e te mafaufau i se mea e faatusa iai le amioleaga o le lalolagi, mata o le a lena mea? Aisea?
- Afai e te mafaufau i se faatusa migao po o se faalagiga e fai ma faatusa o le Faaola ma le ala e mafai ai ona Ia fesoasoani ia i tatou e faatoilalo lena amioleaga, o le a lena mea? Aisea?

Vaelua tutusa se itulau o lau api talaaga. Faitau le Faaaliga 17:3–7 ma le 14, ma vaai faalemafaufau i faatusa na faaoga e Ioane i nei fuaiupu. I le tasi itu o le itulau ua vaevaeina i lau api talaaga tusi ai i lalo upu autu po o fasifuitau na faaoga e faamatala ai le amioleaga. I le isi itu, tusi ai faailoga e faatusa ia Iesu Keriso ma e amiotonu. Atonu e aoga upu fesoasoani nei:

Faitaaga (Faaaliga 17:4): amioga feusuai le mama. E mafai foi ona aveā “o se faatusa mo le liliuese” (O Le Taiala i Tusitusiga Paia, “Faitaaga,” scriptures.ChurchofJesusChrist.org)

Papelonia (Faaaliga 17:5): o le igoa o se aai ua lauiloa mo lona amioleaga, sa faaoga o se faatusa mo le amioleaga ma mea faalelalolagi

Fafine talitane (Faaaliga 17:5): o se tasi e faia amioga le mama faalefeusuaiga mo tupe po o feaatauaiga

Faamemelo (Faaaliga 17:6): ofo, faagaectia (tagai i le fuaiupu 6, vaefaamatalaga i)

- O a mea na e aoao mai i faatusa sa e faitau i ai?
- O a mea o fesoasoani atu ai faalagiga mo Iesu Keriso i le fuaiupu 14 e te malamalama ai e uiga ia te Ia?
- O a mea o e iloa e uiga i le ala na manumalo ai le Tamai Mamoe, po o Iesu Keriso i amioleaga uma? (Tagai i le Taiala i Tusitusiga Paia, “Tamai Mamoe o le Atua,” scriptures.ChurchofJesusChrist.org.) O le a le uiga o lena mea ia te oe?